

ընում պատահած լինի այդպիսի դէպք, բայց կարելի է հաստատաւ ասել, որ այդպիսի սոսկալի գործողութիւն կատարելուց առաջ մայրը կորցրած պէտք է լինի հոգեկան կարողութիւնը: Միմիայն խելազար մայրը կարող է իւր ծնոքով սպանել իւր զաւակին. այն էլ տնտեսական պատճառներից դրդուած: Առանց այս չափազանցութեան՝ «նորածին մանուկը» աղքատ դասակարգի իրական ու կենդանի պատկերն է ներկայացնում և ցոյց է տալիս հեղինակի սուր դիտողութիւնն ու ժողովրդի կեանքին մօտ ծանօթ լինելը: Գրքոյկը կարդացում է հետաքրքրութեամբ. լեզուն պարզ ու ողորկ է:

ԲՐԻՉ

Յ. ԳՐԻԳՈՐ ՎԱՆՑԵԱՆ «Հայ հեղինակներ», ընտիր հատուածներ, միջնակարգ դպրոցների համար: Թիֆլիս, 1905 թ.

Պ. Վանցեանի այս աշխատութիւնը գալիս է լրացնելու մեր դպրոցական ձեռնարկների մէջ մի շատ խոշոր բաց: Մինչև այժմ կազմուած այդ տեսակի ընտիր հատուածների ժողովածուներից և ոչ մէկը չի համապատասխանում իւր նշանակութեանը: Կազմողները մեծ մասամբ եղել են կամ հայ գրականութեանը ոչ բաւականաչափ ծանօթ անձինք կամ անճաշակ կամ միակողմանի և կուսակցական հայեացքների տէր:

Պ. Վանցեանը աշխատել է լինել բազմակողմանի և անկախ որ և է բռնադրօսիկ տեղեկացիայից և այս կարելի է ասել յաջողուել է նրան: Նրա գիրքը, որ բաղկացած է 262 մեծադիր էջերից, պարունակում է հատուածներ ուսանայ գրեթէ բոլոր հայ հեղինակներից, սկսած ամենայայտնիներից մինչև անյայտները: Կան հատուածներ և տաճկահայ գրողների գրուածներին:

Յայտնի գրողներին հատուածներին կցած են և՛ նրանց կենսագրութիւնները, սակայն շատ համառօտ և՛ թերի: Նրանում է, որ կազմողը մի փոքր շտապ է գործել: Պէտք է յուսալ, որ միւս հատորները, նաև ներկայ հատորի երկրորդ տպագրութիւնը կը լինեն աւելի լիակատար:

ՍՏԱՑՈՒԱԾ ԳՐԿԵՐ.

Գրիգոր Վանցեան, Հայ հեղինակներ. ընտիր հատուածներ միջ-

- նակարգ դպրոցների համար. Թիֆլիս 1905. (1 ո.)
- Յարութիւն Թումանեան. Համառոտ ստուգարանութիւն Հայոց լեզուի, 1905. (40 կ.)
- Նար-Դոս. Նորածին ժանուկը. Վաղարշապատ 1904. (3 կ.)
- Ղազար Փարպեցու Հայոց պատմութիւնը և Վահան Մամիկոնեանին գրած թուղթը. Թարգմանեց Մինաս քահ. Տէր-Պետրոսեանց. Ալեքսանդրապոլ 1895. (80 կ.)
- Արիստակէս Լաստիվերոցի վարդապետի Հայոց պատմութիւնը. Թարգմանութիւն նոյն Մինաս քահանայի. Ալեքսանդրապոլ 1893 (60 կ.)
- Ա. Մարգար. Երախտիք. պատմուածք. Բագու 1904. (10 կ.)
- Սէյլան. Հայթա ֆիրատ. Ժը. դարի սկզբներէից մի անցք. Թիֆլիս 1904 (35 կ.)
- Ղազ. քահ. Յովսէփեան. Ակնարկներ Ուտիացի և ժահմեղական Հայերի մասին. Թիֆլիս 1904 (40 կ.)
- Մեր էփանագին գրադարանը. Հրատ տիկին Զարէլի. № 4. Մեծ տօն. Բ. Պէնկօի. ս. Պ. Բ. 1905 (10 կ.)
- № 5. Նոր լոյս. Գ. ք. Պետրովի. Ս. Պ. Բ. 1905. (10 կ.)
- Հայկ Տէր-Աստուածատրեանց. բառարան Հայ կենսագրութեանց (հայագէտներով) 1441—1904. Ա. Պրակ առաջին. 45 պատկերով. Թիֆլիս. 1904 (70 կ.)
- Սիրու երգիչ. Նահապետ Բուչակի երգերը. մշակեց Գէորգ Ասատուր. Թիֆլիս 1905 (40 կ.)